

Na osnovu člana 12. stav (1) Okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje Bosne i Hercegovine ("Službeni glasnik BiH", broj 43/09), na prijedlog Vijeća za nauku Bosne i Hercegovine, ministar civilnih poslova, donosi

U P U T S T V O
O METODOLOŠKIM OKVIRIMA I PRINCIPIMA ZA IZRADU PRAVILNIKA
O MINIMALNIM UVJETIMA ZA OBAVLJANJE NAUČNOISTRAŽIVAČKE DJELATNOSTI
I BAVLJENJE NAUČNOISTRAŽIVAČKIM RADOM

Član 1.
(Predmet)

Uputstvom o metodološkim okvirima i principima za izradu pravilnika o minimalnim uvjetima za obavljanje naučnoistraživačke djelatnosti i bavljenje naučnoistraživačkim radom (u daljem tekstu: Uputstvo) utvrđuju se metodološki okviri i principi za izradu pravilnika o minimalnim uvjetima za obavljanje naučnoistraživačke djelatnosti i bavljenje naučnoistraživačkim radom (u daljem tekstu naučna djelatnost).

Član 2.
(Postupak upisa u Registar)

(1) Nadležna ministarstva za nauku u entitetima i kantonima i nadležni odjel Brčko distrikta Bosne i Hercegovine provode postupak upisa u odgovarajuće registre naučnoistraživačkih organizacija.

(2) Uz zahtijev za upis u registar dostavlja se sljedeće:

- a) akt o osnivanju,
- b) elaborat o opravdanosti obavljanja naučne djelatnosti u skladu sa članom 3. ovog uputstva,
- c) dokaze o odgovarajućem prostoru i opremi u skladu sa članom 4. ovog uputstva,
- d) dokaze o osiguranom potrebnom broju naučnih radnika u skladu sa članom 5. ovog uputstva.

Član 3.
(Elaborat o opravdanosti)

Elaborat o opravdanosti obavljanja naučne djelatnosti sadrži:

- a) strateške ciljeve naučne organizacije;
- b) strateški program naučnih istraživanja;
- c) analizu naučnog potencijala naučne organizacije i njenog položaja u naučnom i poslovnom okruženju;
- d) plan organizacijskog razvoja naučne organizacije i
- e) izvori finansiranja i finansijski plan.
- f)

Član 4.

(Dokaz o odgovarajućem prostoru i opremi)

Dokazi o odgovarajućem prostoru i opremi sadrže:

- a) vjerodostojne isprave o vlasništvu, pravu korištenja, zakupu i drugoj valjanoj pravnoj osnovi na temelju kojeg se koristi prostor i oprema za obavljanje naučne djelatnosti u određenoj naučnoj oblasti;
- b) podatke o mogućnostima raspolaganja naučnom literaturom (biblioteka, pojedinačna pretplata na naučne časopise i knjige, dostupnost naučne literature putem interneta);
- c) podatke o ispunjenju općih uvjeta zaštite na radu, zaštite životne sredine i sanitarno-tehničkih kriterija shodno zakonskim regulativama za svaki pojedini tip naučne organizacije.

Član 5.

(Dokaz o osiguranom potrebnom broju naučnih radnika)

(1) Dokazi o osiguranom potrebnom broju naučnih radnika sadrže:

- a) ugovore o radu naučnih radnika sa naučnom organizacijom ili iskaze namjere o zasnivanju radnog odnosa sa naučnom organizacijom;
- b) biografije i bibliografije naučnih radnika.

Član 6.

(Usklađivanje entitetskih propisa i propisa Brčko distrikta Bosne i Hercegovine)

Nadležna ministarstva za nauku u entitetima i kantonima i nadležni odjel Brčko distrikta Bosne i Hercegovine po stupanju na snagu ovog uputstva donijet će ili uskladiti postojeće propise o uvjetima za obavljanje naučne djelatnosti, u skladu sa ovim uputstvom.

Član 7.
(Stupanje na snagu)

Ovo uputstvo stupa na snagu narednog dana od dana objavljivanja u "Službenom glasniku BiH".

Broj: *MO-ON-N-106/15*

Sarajevo, *22-01-2015.*

